

vñ vorzdrift dē ghelen brunen blau
 o wen suke dē ictericia heth ¶ wed
 der de watersucht vnde wedd dat
 lenden ouel .stod sennep myt wyn
 eteke dar legghe merredick worze
 len in eyne nacht dē eth auent vnde
 p morghen seuen daghe. ¶ wedder
 dē sericheyt in dē borst vmmē dat
 herte ock in dē me buke .stot merre
 dick myt honnighe dat nutte auēt
 vnde morghen vyff daghe also gro
 q et also eyn halselnot ¶ wā ten vzo
 wen dat har vth vallet edd dē mee
 len dat haer aff byten so wryff dat
 myt merredick sape wēte hyre dy
 ascorides platearius auicenna plini
 us libzo. xx. 2c.

S Deme ersten Van den
 wichten dē tho der artze/
 dige horen vnde van an/
 deren dyngghen dē men maken moet
 dar tho.

¶ Aureus donarius is eyn gulden
 syn ghewichte is eyn quentyn vn
 dē eyn luttick meer Auer in groter
 artzedye alse intiriaca so is id myn
 wan eyn quentyn.

¶ Acetabulū weget. ij. quentyn.

¶ Auelana is eyn hasselnot dē we
 get. i. quentyn secht Auicenna.

¶ Amphora heth dze scheppel in
 ozer mate.

¶ Cardus is ein kanne dē heft dze
 ammer enberen emmeren.

¶ Liatus heft ander halue verdink
 wichte sprick auicenna.

¶ Locliar eyn leppel vul honni/
 ghes weghet twey quentyn vnde
 eyn luttick meer sprickt almansor.

¶ Locliar i artzedie in syner wick
 te is eyn quentyn vnde. xvi. wey

te korne Secht serapio.

¶ Chorus kornuer is. xxiij. hymp/
 ten vnde ichtes wat meer.

¶ Corila is. ix. quētin secht auicēna

¶ Entina is eyn half sextarius.

¶ Sextarius dē heft driiddehalue
 lybras 2c.

¶ Libra weget. xij. vncias.

¶ Uncia weget. viij. quentyn vn
 dē heft. xij. schzufulos.

¶ Schzufulos weget. xx. weythe
 korne ichteswelke segghen he we
 ge eyne vzi perschen penningk.

¶ Tweyne schzufulus wegen .xl.
 weyte korne.

¶ Dracma is dē achte deel van ey
 ner vncien Fuer dē olden meystere
 segghen id sy dē negede deel vā ey
 ner vncien.

¶ Donarius is eyn penningk. De
 schal weghen eyn quentyn.

¶ Solidus dē weghet anderhalff
 dracma ghemeynliken.

¶ Eragiū weget andhalf quentyn

¶ Faba schal weghen anderhalff
 quentyn secht serapio.

¶ Lupinus schal wegen eyn half
 quentyn Secht serapio.

¶ Myna weget. xvi. vncien secht
 Auicenna.

¶ In walschen landen metreta is
 eyn mathe vyff schepele.

¶ Nux hasselnot Hasselnot dē we
 get eyn quentyn.

¶ Nux italica walsce norde schal
 weghen wyff quentyn vnde eyn
 luttick meer.

¶ Obulus eyn scharf schal wegen
 teyn gersten korne Secht auicen/
 na vnde serapio.

¶ Sefz obuli makē dze schzufulos

vñ die schzufuli. maken eyne drac
mam d. hepte wy eyn quentyn.

¶ Pugillus weget die vncien.

¶ Quadzans spreken de voden vn
de de laticinschen dat sy de veer deel
eyner iowelken gantzen mate ed/
der ghewychte.

¶ Sillica veghet. x. garsten korne
edder eyn half dracma.

¶ Siclus heft die schzufulos edd
weget den derden deel eyner vncie

¶ Talentū hepten de ioden die vn
de twyntich libras vñ de romeschē
hepten dat twey vnde seuentich li
bras de grekeschē hepten dat twyn
tich vnde hundert libras

Erwater make als nym twee
deel eynes sextarij soltes vnde
veer deel waters dat werth also.

b ¶ Wulle derfine ock in der artzedie
de schalmen ropen vnde nicht sny/
den vnde de an deme halse stept de

c is aldbest ¶ Asschen edder puluer
van vogelen edder anderen deren
edder woraff men des beters de en
schalme nicht bernē wan in eyne
me nyen eerden gropē den schal me
bedecken vnde beclēmen myt gu/
deme lemen vnde in eyne hepte
ouen bernē wenthe id werde alse
du wult.

a ¶ Hounich dar de benen inne ghe
storuen synt edd hepte honnich is
to artzedie nicht so gud alse dat hō
nich an dat harte edder dat by an
deren gebergheten gheworuen is.

b ¶ Bolenta edder poleta to der art
zedie make alsus twyntich libras
reynes ghersten vnde die libras ly
nes vnde eyne halue libaren kōzi
ander sates. vnde soltes vijff quent

eyn. Den ghersten schalmen eyne
nacht in water doen vnde dar na
dere este droghe one vnde denne
tho stoth in eyne mofere myt de
me lyne vnde kōziander vnde solte
to hope ghemenger dat het bolēta

¶ Prifana maket men alsus in der
artzedie dat heth gharsten water.

Nym reynen ghersten van eyne
iare vnde stote den in eyne mofe
re vnde septe den sere myt watere
twey also vele waters alse gherste
dar na wrinck dat doerch eyne ly
nen doek dat water heth prifana.

¶ Mulla heft men ock tho der art
zedie dat is de achte deel waters vn
de de negede deel honniges tho ho
pe vp ghesoten wert mulla.

¶ Pusca in der artzedie is twey
deel waters de drude deel wyn.

¶ Adrolum is twey deel waters
de dridde deel olyes.

¶ Adromel is twey deel waters.
de dridde deel honniges.

¶ Drimel wert van twey deelen
suuerdes gereynigeden honniges
vnde dat dridde deel etekes dat sey
de wente id also eyn syrop werde
drinck des auendes eyne vncien ed
der ander halue myt wathere dath
warm sy in deme wyntere vnde mit
kolde in deme sommere dat vor
drift den koleram vnde maket lust
tho etende vnde to drinckende vn/
de voordrift den dorst.

¶ Drimel de beter is wert van pe
tercilien wortelen leuerstock wor
telen. merck sate. redick wortelen
die daghe in eteck ghelecht so sey
de dat denne tho hope vnde sy ghe
dat doerch eyne lynen doeck tho